

Қабр азобидан паноҳ тилайлик!



14:00 / 21.03.2021 4707

Ва Расулуллоҳ соллаллоҳу алайҳи васаллам ва саҳобалар розияллоҳу анҳумдан келган хабарлар асосида қабр азобига – ким шунга лойиқ бўлса – ва унда Мункар ва Накирнинг Роббидан, динидан ва Набийсидан сўроқ қилишига иймон келтирамиз. Қабр жаннат боғларидан бир боғдир ёки дўзах чуқурларидан бир чуқурдир.

Яъни, осий бўлиб, азобга лойиқ бўлганлар учун қабр азоби бўлишига иймон келтирамиз. Мункар ва Накир номли икки фаришта банданинг қабрида туриб, уни Робби, дини ва Набийси ҳақида савол-сўроқ қилишига иймон келтирамиз.

«Расулуллоҳ соллаллоҳу алайҳи васаллам икки қабрнинг ёнидан ўтиб кетаётиб:

«Бу иккови азобланмоқда. Азобланишлари катта нарсада эмас. Улардан бири пешобдан сақланишга эътибор бермас эди. Бошқаси эса чақимчилик қилиб юрар эди», дедилар. Бир хурмонинг ҳўл шохини олиб келиб, иккига бўлиб, икки қабрга биттадан суқиб қўйдилар.

Кишилар: «Эй Аллоҳнинг Расули, нега бундай қилдингиз?» дейишди. Ул зот соллаллоҳу алайҳи васаллам:

«Шоядки, булар қуригунча икковларидан азоб енгиллатилса», дедилар».

Бухорий ва Муслим ривоят қилишган.

Пайғамбаримиз соллаллоҳу алайҳи васаллам Аллоҳ таолога ёлвориб қабр азобидан паноҳ сўрардилар.

Расулуллоҳ соллаллоҳу алайҳи васаллам доимо қуйидаги дуони ўқиганлар.

**وَعُوْدِي مَلَسَوْهُ لَعَلَّ لِي لَصِيْبٌ لِّلْاَنْكَرِ اِنَّ اَسْوَأَ النَّاسِ لَوَالِدُوْنَ خِيَّتِي شَلَلَوْا
اِيْحَمْلَةَ نَفْسِي وَمَوْرَانِ لِبَادَعِي وَمَوْرَبَقِ لِبَادَعِي نَمَكُ بَدُوْعِي اِنَّ اَمْرًا لَلْا
لِجَدِّ اِحْيَيْ سَمْلَةَ نَفْسِي وَمَوْرَبَقِ لِبَادَعِي**

Икки Шайх ва Насайй ривоят қилган ҳадисда:

«Набий соллаллоҳу алайҳи васаллам дуода: «Аллоҳим! Сенинг ила қабр азобидан, дўзах азобидан, тириклик ва ўлим фитнасидан ва Масийҳ Дажжолнинг фитнасидан паноҳ сўрайман», дер эдилар», дейилган.

Шарҳ: Демак, ушбу ҳадиси шарифда зикри келган нарсалар, жумладан, қабр азоби ҳам собит нарсадир. Биз ҳам Пайғамбаримиз соллаллоҳу алайҳи васалламга иқтидо қилиб, қабр азобидан паноҳ сўраб туришимиз лозим.

Image not found or type unknown



Бу кийик чеккан азоб ва машаққат миқдорини тасаввур қияпсизми? У икки қоя орасига қисилганча, қимир этолмай ўлимни кутган.

Қабримиз сиққанида ҳолимиз нима кечади? Қанчалик азоб ва машаққат ичра қолишимизни ўйлаб кўрайлик!

Қабримиз кенг бўлиши учун яхши амаллар қилайлик! Гуноҳларимизга тавба қилиб, истиғфorni доим айтиб юрайлик!

Расулуллоҳ соллаллоҳу алайҳи васаллам дедилар: «Ким қуёш ботадиган жойидан чиқишидан олдин тавба қилса, Аллоҳ унинг тавбасини қабул қилади».

Муслим ривоятлари.

Демак, тавба қабул бўлишининг сўнгги вақти қуёш мағрибдан чиқишидан олдинги пайтдир. Шунгача тавба қилишга улгуриб қолганларнинг тавбасини Аллоҳ таоло фазли билан қабул қилади. Қуёш мағрибдан чиққач, тавба эшиги беркилади.

Айтгандек, кишига ўлим ғарғараси келганда, ўша инсон учун тавба эшиги беркилади. Шунинг учун тавбани ўлим келадиган пайтгача кечиктирмай, бугун, ҳозир тавбага шошилиш керак.

Тавба ҳақиқий бўлиши учун шартларини бажариш керак.

Тавбанинг шартлари:

1. Гуноҳдан тўхташ.
2. Надомат қилиш.
3. Гуноҳга асло қайтмаслик.
4. Ҳақларни эгаларига қайтариш.
5. Умрининг охиригача бошқаларни ҳам гуноҳдан қайтариш.

Ё Аллоҳ, барчамизга насух тавбани насиб этгин! Ё Аллоҳ, бизларнинг қабримизни ўзинг кенг ва нурли қилгин! Ҳаммамизни ўзингнинг ҳидоятингдан айирмагин ва хотимамизни чиройли қилгин! Омин!

Манбалар:

Islom.uz

savollar.Islom.uz

Нозимжон Ҳошимжон тайёрлади